

Hulanda a logra dividi pa goberna

CHANTAJE HULANDES CAUSANDO GRAN CONSTERNACION POLITICO

Status Aparte a bira vehiculo pa wega Hulandes

ORANJESTAD(AAN)—Manera por a ser spera, e batimento di clabo di de Koning, manera a ser priminti durante un aña, no tabata pa yega na construcion di un base solido pa cambianan estatal, pero mas bien pa causa confusion politico di alto grado, cu ta permiti Hulanda sali libre di tur forma di responsabilidad financiero den e introduccion di cambianan estatal. Mientras Status Aparte a bira e carta pa chantaje Hulandes, te ainda, segun informantenan clave a revela durante fin di siman, no tin ningun seguridad cu na final Hulanda lo sostene Status Aparte, a pesar di tur promesa.

Manera DIARIO a anuncia, fondo di solidaridad a rementa e siman aki y e explosion ta significa gran problema politico, cu por culmina den caida di Gobierno Central y hasta den un problema estatal serio entre e islanan, cu lo laga Hulanda sinembargo fuera di zona di peligro.

E wega Hulandes a anuncia su mes na momento cu de Koning a cuminda declara cu Hulanda ta keda para firme ariba e proposicion cu e ta participa cu 20 por ciento den e fondo di solidaridad, mientras cu tur participacion den e fondo lo bay a costo di e contribucion Hulandes a base di e ayudo pa desaro. Cu otro palabra Hulanda no tin ningun gasto extra cu cambianan estatal, mientras cu Aruba mester aporta 25 por ciento y Antillas di Cinco 55 por ciento.

Diasabra e consternacion a bira completo na momento cu a keda divulgá, cu MEP lo sostene e punto di vista Hulandes.

Tratando di haya mas informe encuan to e particularidad aki, DIARIO a ser informa cu Hulanda a pone Aruba dilanti un posicion di chantaje, esta sosten pa e punto di vista Hulandes o lubida Status

Aparte.

E partidonan di oposicion a distancia nan mes di e ponencia di MEP, mientras cu deliberacion a start den seno di e diferente delegacionnan cu a participa na e Mini Conferencia, cu mester tabata uno pa yega na concretizacion di e base pa e cambianan estatal.

E efecto di e jugada Hulandes no a tarda. E islanan chikito a mostra cu no por spera cu nan lo bay di acuerdo cu cambianan estatal si no por yega na garantianan pa nan existencia, esta e fondo di solidaridad, cu tabata justamente pa yuda e islanan chikito.

E opinion general tabata cu Hulanda mester a carga e responsabilidad y no por a pone den man di Aruba y Antillas di Cinco, esta di Aruba y Curacao.

Diasabra e delegacion di Curacao tambe a participa cu e posicion Hulandes ta inaceptable y cu e peso di e fondo di solidaridad no por ser carga pa e islanan Aruba y Curacao, mientras Hulanda ta sali libre di tur gasto.

Gobierno Central a posiciona su mes tras di e islanan chikito, cu no por acepta e presentacion Hulandes, y esaki a crea otro problema.

MEP ta forma parti di Gobierno Central y e hecho cu MEP a sostene Hulanda, mientras cu e islanan chikito tin sosten di Gobierno Central por significa un crisis den Gabinete Liberia. E promer ministro mes a bisa Diasabra cu e chehs cu por yega na un crisis ta di 0 pa 100 por ciento, pero informantenan clave a bisa DIARIO cu un crisis, cu por culmina den caida di Gobierno Central, no mester ser descartá!

Ta e intencion pa Gobierno Central tene un ultimo reunion cu de Koning pa trata na mostra Hulanda ariba e problema cu a

ser crea. Pero e espectativanan ta cero.

Mientrastanto informenan clave ta sigui muestra cu Hulanda tin un wega prepara, y cu e ponencianan peligroso di de Koning na su yegada na Antillas encuan to Status Aparte, mester ser mira den e luz di un posible accion Hulandes cu por paraliza Status Aparte.

Den tur e confusion existente, tin indicacion cu na Hulanda lo ser trata di evita cu Status Aparte lo ser realiza entrante Promer di Januari 1986, y pesey informantenan a

mostra cu de Koning mester a fomenta problema, cu a significa cu acuerdonan di mesa redonda ta ser poni den balanza.

Sin fondo di solidaridad, no tin base pa creacion di Antillas di Cinco no pa cooperacion entre e pais Aruba y Antillas di Cinco.

E siman di Carnaval por significa tambe un siman den cual futuro estatal ta central, pasobra informantenan a mostra cu e posibilidad ta grandi cu e islanan chikito lo bay exiginan Status Aparte, cu Antillas di Cinco lo cay

for di otro, y cu Hulanda den e confusion aki lo presenta su formula pa yega na independencia acelera di tur e islanan.

Mientras Hulanda a hunga su jugada di chantaje aparente, e siman aki lo dicidi si Antillas lo conoce otro crisis di Gobierno mientras cu turbulencia grandi den mundo politico no mester ser exclui, comoquiera cu tin indicacion cu oposicion esta AVP y PPA lo bay enfrente MEP, seriamente pa loka ta trata e aceptacion di e proposicion Hulandes.

STATUS APARTE POR SER TRANCA NA HULANDA

ORANJESTAD(AAN)—No mester descarta e posibilidad cu na Hulanda lo bay trancá e preparacionnan pa Status Aparte, y cu na Hulanda lo ser dicidi cu ta mihor pospone Status Aparte cu un pa dos aña.

Informenan clave cu DIARIO a ricibi ta muestra den direccion di un tendencia creciente cerca politiconan Hulandes pa

pospone e Status Aparte di Aruba cu uno pa dos aña.

Especialmente Partij van de Arbeid lo tin un opinion especial encuan to e realizacion di Status Aparte di Aruba, segun fuentenan di confianza.

A ser mostra cu semper Partij van de Arbeid tabata na favor pa Hulanda deshaci na forma urgente

di e colonia Hulandes den Caribe.

Manera ta conoci, e cambianan estatal mester haya aprobacion di Parlamento di Aruba, Parlamento di Antillas y Parlamento Hulandes.

Tin indicacion fuerte, a base di informenan cu ta drestando cu na Hulanda e desaro yonan por tranca na un forma serio.

HOMBER NO KIER A BIBA MAS

ORANJESTAD(AAN)—Diasabra mainta Central di Polis a ser yama for di Kruisweg caminda un persona tabata drumi for di conocimiento

Polis cu a yega na e sitio mes ora a solicita pa un ambulance pa transporta e persona aki pa hospital.

Informacion cu a ser haya di un dama ta cu e homber tabata sinti basta dolor na su curazon y no por a soporta esaki mas te cu el a dicidi di bebe un cantidad di pildora pa trata na pone un fin na su

bida.

Na hospital el a ricibi e

trato medico necesario pa e por a sigui biba.

LADRONICIA DI GASOLINE A SALI HOMBER CARO

ORANJESTAD(AAN)—Algo pasa di 12 or anochi ayera a drenta informacion cu ariba tereno di Chicago Bridge na Zeewijk tin un homber drumi. Polis cu a yega na e sitio aki a bin encontra e homber S.G. for di su tin no drumi banda di un

truck.

Durante investigacion cu a ser haci eynan a ser nota un slang cu tabata sali for di tanki di gasoline di e truck pa un Jerry Can.

E homber supuestamente a trata di horta gasoline

Segui lesa pag. 6